

Solelheta (1/7)

I aviá, un còp, un òme e una femna qu'avián un dròlle que s'apelava Bernadonet. Aquí que la femna moriguèt, e l'òme se tornèt maridar.

La novèla femna podí pas veire lo filh de la paura mòrta. Un ser, quand foguèron al lièch, la mairastra diguèt a son òme :

« Soi lassa de veire aquel dròlle. S'ò manja tot ! Lo te cal anar pèdre. »

Mas lo Bernadonet, que dormissiá pas, o ausiguèt. Se n'anèt trobar sa mairina e li diguèt :

« Menineta, lo paire me vòl pèdre.

Òc ben, mieu ! E ben, te cal emplenar las pòchas de calhaus, e, dins lo temps que correràs, los semenaràs un per un pel camin : aital te perdràs pas e tornaràs a l'ostal. »

L'endeman matin, lo paire diguèt :

« Bernadonet, vau far qualque fagòt de lenha al bòsc.

Vòls venir ambe ieu ?

Òc, paire. »

E partiguèron.

Quand foguèron al mièg del bòsc, lo paire diguèt :

« Bernadonet, demòra-te aquí ; vau cercar qualque estac, tornarai lèu. »

Lo paire tornèt pas.

Mas lo Bernadonet retrobèt los calhaus qu'aviá semenats pel camin e tornèt a l'ostal.

Se metèt prèp de la pòrta per escotar. Aquel ser, la mairastra aviá fach un milhàs. N'avián un brave sadol, e lo paire disiá :

« A ! s'aviam lo Bernadonet, manjariá plan un pauc de milhàs. »

Lo Bernadonet cridèt :

« Soi aici, paire. »

Lo faguèt intrar e manjar. Après, se n'anèron al lièch.

Quand foguèron al lièch, la mairastra tornèt dire a son òme :

« A ! que soi lassa de veire aquel dròlle ! Deman, lo tornaràs menar al bòsc, e, aqueste còp, pèrd-lo coma cal. »

Mas lo Bernadonet, que dormissiá pas, o ausiguèt. Se n'anèt trobar sa mairina e li diguèt :

« Menineta, lo paire me vòl tornar pèdre.

Òc ben, mieu ! E ben, sabes çò que te cal far per te pèdre pas e tornar a l'ostal. »

L'endeman matin, lo paire diguèt :

« Bernadonet, vòls tornar ambe ieu far qualque fagòt de lenha al bòsc ?

Òc, paire. »

E partiguèron.

Lo Bernadonet s'aviá emplenadas las pòchas de blat, e lo semenèt grun per grun pel camin.

Quand foguèron al mièg del bòsc, lo paire diguèt :

« Bernadonet, demòra-te aquí ; vau cercar qualque estac, tornarai lèu. »

Me volètz pèdre.

Non, non, te vòli pas pèdre. »

Lo paire tornèt pas. Alavetz, lo Bernadonet assagèt de retrobar son camin; mas puguèt pas : los aucèls avián manjat tot lo blat. E se metèt a plorar, quand se vegèt tot sol, perdut al mièg del bòsc.

Questions (1/7)

Fai la lista dels personatges :

.....

.....

De que pensa la mairastra de Bernadonet ?

.....

.....

Que demanda la mairastra al paire ?

.....

.....

Qual ajuda Bernadonet ?

.....

De que li conselha ? (bota una crotz dins lo que conven)

de semenar de blat de semenar de calhaus de manjar de milhàs

Lo paire, i arriba a pèdre Bernadonet ? (fai una frasa).

.....

.....

Questions (1/7)

Fai la lista dels personatges :

.....

.....

Lo paire, i arriba a pèdre Bernadonet ? (fai una frasa).

De que li conselha ? (bota una crotz dins lo que conven)
 de semenar de blat de semenar de calhaus de manjar de milhàs

.....

.....

Qual ajuda Bernadonet ?

.....

.....

Que demanda la mairastra al paire ?

.....

.....

De que pensa la mairastra de Bernadonet ?

.....

.....